

NOSSE PATRÈYE

(shûte dèl paudje 61ine)

C' èst tot ça, tot ça pa padzo dès cièls tofêr kandjants, ki leûs movemints, po l' cia ki l' pout voye, fait on, todi difèrint, mèrvèyeû spèctake,. L' passâdje dès sèzons: frisse djwè dès prétins, spitant do triyonfant èsté, neûrastènîkès barbauches di l' èteûre tins, blans *doûs* d' l' iviêr; passêyes dès triyanantès *doûcès* eûres dèl pikète do djoû, lèdiêrté dès matins, riglantichantès plandjêres, blameteûsès chîjes, èfivés anûtis, vos nos mwinrnèz sins pont d' djoke, pa l' djeû dès nuâdjès èt dès èmacralêyès lumêres, à discouviè dins l' tère si inmêye pa tant d' novèlès biatés. Vrêmint, i gn'a-t-i ène ôte place dissus l' daegne èvou l' binvolante destinêye a polu rashonner, dins si pau d'

èspace, ostant d' rèzons d' viker? Compurdichans-nos l' admirâbe djèsse dès Flaminds, à l' bate dès Sporons d' ôr, d' volu pwârter à leûs lèpes ène pougnîye dèl tère k' is alîne moru por lèye ?

L' èroyike bètch di cès mougneûs d' tère !

L' patrèye, po fini, c' n' èst nén seulmint l' tère, mins lès djins k' î vikenut tertos èssone, odobin k' î ont viké. C' èst, à l' chipe, avou lès soçons d' ayîr èt d' audjoûrdu, Breydel, Van Artevelde, Anneesens ; Van Eyck, Breughel èt Rubens ; Bodwin d' Constantinope èt Godefred d' Djèrusalem, èt ostant d' familièrès imaudjes dès tins foûs èvoye! C' èst tot ci vayant peûpe, pwârté à l' èfwârd mauy sicranni ; c' èst lès deus races ki l' fèyenut ; l' cine do nôrd, lumçone, pacyinte, ètièsteuwe ; l' cine do sùd, ardante, râde ènondêye, djènèreuse ; c' èst leûs sofrances èt leûs djwès, leûs coléres èt leûs pitiés, leûs ûzances, leûs acostumances, c' èst **leû linwaedje**. Dji lès vwè voltîye paski m' vikêriye èst faite di picîyes di leû vîye.

*(Vola, c' èst da Djules Dèstrêye, bèldje sicrijeû, come mètu dins on « lîve di lèctûres », po li scayon do dzeû, di 1946. Èt on s' èwareréve di l' « instint » bèldje co bén éraciné ? Dèdjà ki l' Djules, **po cki dijéve** dèl walone cultûre...*

Avîz-v' trové ? SINS RÎRE ?)



I n' vos faut nén vos èwarer, on comèle èt maxhe todi lès moudêyes di sicrijhaedje